


遺教經科文

C40
4514
(60-61)



C40-4514

了翁上處請大猷及有
家書置之武州紫雲山
我微英塔院后府中未
為學者不敢許出院內
當山二世鐵牛機謹誌



B 64853





皇圖鞏固 帝道遐昌
佛日增輝 濛輪常轉

佛遺教經科文

將釋此經疏科文分四

二譯經人時

四釋經本文三

初序始度

三示滅發起

初重演戒法四

二因戒邪命

四戒生定慧

初結前啓後

初釋經題目

三註述名號

初序分三

二序終度

二正宗分十九

初重戒如師

三略說戒本

二慎護根門

二法喻並明

佛遺教經

佛遺教經

佛遺教經

三總結勤伏 是

三受食勿增四

初正食 汝

二喻明 如

三法合 比

四喻結 譬

四習善勿失三

初晝夜習 汝

二戒睡眠 無

三結慚愧 慚

五忍行超戒三

初忍害勿瞋 汝

二微釋防護 所

三舉喻雙結 譬

六正命乞食二

初執鉢順儀 汝

二伏憍入理 自

七直心行道二

初曲直並明 汝

二結正為本 是

八少欲成功二

初多少並明 汝

二少欲利益 直

九知足清樂二

初脫苦獲安 汝

二足不足于明 知

十寂靜離衆三

初靜處天欽 汝

二法喻並明 是

三單喻總結 譬

十一勤行不懈二

初勤行法喻 汝

二懈廢法喻 若

十二正念遣魔三

初正念去賊 汝

二誠勉勿失 是

三以喻結正 譬

十三攝心知幻三

初定心知滅 汝

二誠行不散 是

三法喻雙結

譬

十四智慧除惱四

初去貪得脫

汝

二二名俱失

若

三智之利益

實

四總結成慧

若

十五戲論妨道二

初標

汝

二結

是

十六端心去逸三

初誠離怨

汝

二誠勤行

汝

三二喻結

我

十七誠疑重問

汝

十八替對伸演三

初四諦無變

時

二三根不等

於

三經家序結

阿

十九誠勉勿悲二

初生畢有滅

汝

二二利俱備

自

三流通分二

初囑累流通五

初展轉不息

自

二嘆世無常

是

三以智爍幻

當

四示滅除惡

我

五結智人喜

何

二勸勉流通二

初勤出無常

汝

二誠止遺範

汝

重刊遺教經註解序

夫淨法界中本無出沒大悲願力示現受生無說中而示說無形處而現形故有四十九年露布三百餘會葛藤大槩而論不出於三一曰經藏詮於定故玄寂不動塵塵而淨國純真靈鑑隨緣念念而佛身普應二曰律藏詮於戒故擬心萌念條條而早犯尸羅絕慮忘思段段而皆成規範三曰論藏詮於慧故明明不昧而森羅星象燦然湛湛虛澄而鱗甲羽毛弗暗雖有三名曾無三體故考繩墨而立定門卽貫花而開律部據優波提舍而爲其論卽一而三卽三而

一三一互融名祕密藏也今茲遺教經四十年已後而演也雖曰修多羅其實重示戒律世尊見諸弟子尸羅將傾告諸衆等於我滅後當珍敬波羅提木叉是汝大師若我任世無異此也當知戒是正順解脫之本禪定智慧由此而生是我佛最後垂範也茲有奉佛弟子古鑑清明傳講之時見其註略并字之昏小不無三豕之訛請余勾科補註校正流通於世余緇素不分焉敢校補也公再懇之不得已而應命稍述其科文略補其缺漏聊正其訛脫及記其歲月云爾時

萬曆丙戌仲春吉日

欽依皇壇傳講紫衣沙門特賜金佛寶冠永祥禪師
古靈了童述

大唐太宗文武聖皇帝施行遺教經勅

勅旨法者如來滅後以末代澆浮付囑國王大臣護
持佛法然僧尼出家戒行須備若縱情淫佚觸塗煩
惱關涉人間動違經律既失如來玄妙之旨又虧國
王受付之義遺教經是佛臨涅槃所說誠勸弟子甚
爲詳要末俗緇素並不崇奉大道將隱微言且絕永
懷聖教用思弘闡宜令所司差書手十人多寫經本
務盡施行所須紙筆墨等有司率給其官宦五品已
上及諸州刺史各付一卷若見僧尼行業與經文不
同宜公私勸勉必使遵行

出文館辭林第
六百九十三卷

大宋真宗皇帝刊遺教經

夫道非遠人教本無類雖蠢動之形各異而常樂之性斯同由愛欲之紛綸致輪廻之增長是以迦維之聖出世而流慈舍衛之區隨機而演法既含靈而悉度將順俗以歸真猶於雙樹之間普告大乘之衆示五根之可戒問四諦之所疑期法奧之宣揚俾衆心而堅固大悲之念斯謂至乎朕祇嗣慶基顧慚涼德常遵先訓庶導祕詮因覽斯經每懷欽奉冀流通而有益仍俾鏤於方板所期貽厥厥邦凡在羣倫勉同歸向云爾

佛遺教經註

欽依皇壇傳講紫衣沙門特賜金佛寶冠永祥禪師古靈了童補註

此一題之中有人有法有能有所人法雙題能所合目故曰佛遺教經此是總標向下別釋佛者梵語佛陀此云覺者謂自覺覺他覺行圓滿故爲佛也遺者我大世尊四十九年說法對病根而施與良藥遺留後代化利人天故曰遺也教者一大藏教卽經律論三藏也經者梵語修多羅此云契經謂契理合機之經也是故佛卽人也遺教卽法也經之一字能詮之文上三字所詮之義是以人法

雙題能所合目故曰佛遺教經

一名佛入涅槃略說教誡經

謂佛爲能入涅槃爲所入涅槃者涅槃而不生樂而不滅不生不滅真常之極果也略說者對廣說略也教誡者我大世尊婆心太切諄諄而教誡也

姚秦三藏法師鳩摩羅什奉詔譯

姚秦卽東晉王也姓姚名興爲秦國王也三藏者此老師學通三藏徹究五乘道振華夷聲聞朝野故稱此號法師者廣博多聞能持一切言辭章句決定善知世出世間諸法生滅之相得禪定智慧

於諸經法隨順無諍不增不損如所說行故曰法師又法師者以正法施於天上人間普徧微塵刹海故曰法師梵語鳩摩羅什此云童壽謂童年而有耆德也奉秦王詔翻譯此經也翻梵成華曰譯鄭郊鳳山蘭若嗣祖沙門守遂註

鄭郊者卽湖廣鄭陽府是也鳳山者就形得名此山似鳳又卽山名也蘭若者卽梵語此云寂靜處嗣祖者言其老師紹續佛祖之位也沙門者卽梵語此云勤息勤修戒定慧息滅貪瞋癡故號爲沙門上守下遂是老師之名註者言邊有主曰註又

分文析義曰註也

釋迦牟尼佛

梵語此云能仁寂默謂能仁者視四生如一子悲
合同體之心觀三界亦同仁慈啓無緣之化寂默
者謂其體也寂默無爲其用也靈明不昧故曰釋
迦牟尼佛者十號中之一號也

初轉法輪

卽三轉四諦法輪也三轉者謂示相轉此是苦逼
迫性此是集招感性此是滅可證性此是道可修
性勸修轉此是苦汝應知此是集汝應斷此是滅

汝應證此是道汝應修作證轉此是苦我已知此
是集我已斷此是滅我已證此是道我已修
度阿若憍陳如

此有五人父族三人一阿濕婆二跋提三摩訶男
母族二人一憍陳如二十力迦葉共五人也阿若
名也此云無知非無所知乃是知無耳憍陳如姓
此云火器其先祖事火從此命族也

最後說法度須跋陀羅

我大世尊說法四十九年將收玄唱最後垂範也
須跋陀羅梵語此云好賢唐言善賢泥洹經云須

跋陀羅聰明多智誦四毘陀經一切書論無不通
達爲一切人之所崇敬聞佛涅槃方往佛所聞八
聖道心意開解遂得初果從佛出家也

所應度者皆已度訖

言所應度者亦有不應度者何以故謂四衆人等
因緣已熟一聞其法卽證其果皆已度訖而城東
老母等與佛同生一處佛不能化其爲善也

於娑羅雙樹間將入涅槃

此樹有四雙八隻四榮四枯謂四榮表常樂我淨
四枯表苦空無我無常也世尊入滅之時八樹皆

變爲白亦名爲鶴林也將入涅槃者將者且然未
畢之時將滅度而未滅度也

是時中夜寂然無聲爲諸弟子略說法要

謂中夜表中道妙理寂然不動無聲無色不妨感
而遂通出世度生無緣不應滅與不滅皆方便焉
示滅化儀佛皆爾叮嚀表悲願之不窮在
管如來四十九年三百餘會始從鹿野苑終至跋
提河一大事因緣已畢於此略說法要爲後人之

紀綱耳

已上序分已竟下爲正宗

汝等比丘於我滅後當尊重珍敬波羅提木叉
宋云別解脫身口七支各別防非卽具足戒也
如聞遇明貧人得寶當知此則是汝等大師若我住
世無異此也

重戒如佛佛常在焉

持淨戒者不得販賣貿易安置田宅畜養人民奴婢
畜生一切種植及諸財寶皆當遠離如避火坑
營求世利業火加薪志存無爲戒珠絕類
不得斬伐草木墾土掘地合和湯藥占相吉凶仰觀
星宿推步盈虛

卽是推算步量天地之盈虛故曰推步盈虛又云
推步卽俯察地理盈虛卽仰觀天文也

曆數算計皆所不應節身時食清淨自活

草繫鵝珠棄命守戒草繫者有一比丘被賊劫財
縛於草上數日不敢動恐害其青草故曰草繫鵝
珠者有一僧化飯至一施主家其家有一金珠僧
見被鵝吞珠入腹施主尋珠不見只見一僧定是
這僧偷了打罵不堪忽報鵝死矣僧曰且止休打
我見金珠被鵝食了可以取之主曰何不早說僧
曰恐害其命故不敢說今既死矣方纔說耳古既

如是今何不然術數休咎邪命之習非清淨也

不得參預世事通致使命咒術仙藥結好貴人親厚

嫖娼皆不應作

嫖音世
娼音慢

通使咒藥背涅槃道結貴親嫖順生歿流

當自端心正念求度

端心正念彼岸非遙

不得包藏瑕疵顯異惑衆

內不隱覆小失發露自新外不顯衒非真濫膺恭

敬

於四供養知量知足

衣服臥具身外無餘飲食醫藥乞求知足

趣得供事不應畜積

長餘不積旅泊無累

此則略說持戒之相戒是正順解脫之本故名波羅

提木叉

結略戒相持者正順解脫犯者正順煩惱開遮持

犯具諸律部大聖略囑務要遵行

依因此戒得生諸禪定及滅苦智慧是故比丘當持

淨戒勿令毀缺若人能持淨戒是則能有善法若無

淨戒諸善功德皆不得生是以當知戒爲第一安隱

功德任處

因戒生定因定生慧一代時教唯此三法無不該盡衆生無始無明業惑重障以此三法圓具則應念消落一切善法功德應念於此建立者也

汝等比丘已能任戒當制五根勿令放逸入於五欲譬如牧牛之人執杖視之不令縱逸犯人苗稼若縱五根非唯五欲將無涯畔不可制也

前是因事立戒防非止惡今明慎護根門常須管帶如馬祖問石鞏云汝作何務鞏云牧牛祖云如何牧鞏云鼻索常在手一廻落草去把鼻拽將來

祖云如是如是

亦如惡馬不以轡制將當牽人墜於坑陷

意馬難調戒爲轡勒

轡音規馬韁也

如被劫害苦止一世五根賊禍殃及累世爲害甚重不可不慎

人命世財苦唯現世慧命法財貧苦永劫輕重霄壤得不慎耶

是故智者制而不隨持之如賊不令縱逸

持心正觀根境本空物我皆如攀緣何起

假令縱之皆亦不久見其磨滅

妄情不真須臾變滅

此五根者心爲其主是故汝等當好制心

五根虛妄妄識爲宰欲制妄宰止觀雙行

心之可畏甚於毒蛇惡獸怨賊大火越逸未足喻也

世間毒惡未可喻者蓋能害法身慧命故也

譬如有人手執密器動轉輕躁但觀於密不見深坑

妄心安境味着彌堅地獄深坑躁動不覺

又如狂象無鈎猿猴得樹騰躍踔躑難可禁制當急

挫之無令放逸

狂象心猿戒爲鈎鎖

縱此心者喪人善事剎之一處無事不辦

一念不生諸緣頓息

是故比丘當勤精進折伏汝心

知心本空當勤折伏了境常寂精進無疲

汝等比丘受諸飲食當如服藥於好於惡勿生增減

趣得支身以除飢渴

藥因治病食以充飢好不生貪惡不生恚但支身

行道而已復何增減乎

如蜂採花但取其味不損色香

蜂雖採花花亦結果

比丘亦爾受人供養起自除惱無得多求壞其善心
多求則令他生惱生惱則善心退沒

譬如智者籌量牛力所堪多少不令過分以竭其力
村已德行而籌量防心離過而無竭

汝等比丘晝則勤心修習善法無令失時初夜後夜
亦勿有廢中夜誦經以自消息

晝三時夜三時似海之潮應不失時初後夜表二
邊中夜分表中道三觀相續如雞抱卵那那分晝夜
無以睡眠因緣令一生空過無所得也當念無常之
火燒諸世間早求自度勿睡眠也諸煩惱賊常伺殺

人甚於怨家安可睡眠不自警寤煩惱毒蛇睡在汝
心譬如黑蛇在汝室睡當以持戒之鈎早併除之睡
蛇既出乃可安眠不出而眠是無慚人也

蓋覆真性增長無明由睡眠之過患是無慚愧也
管者呵那律陀是佛堂弟白飯王之子出家之後
多樂睡眠如來呵云咄咄胡爲寐螺螄蚌蛤類一
睡一千年不聞佛名字既聞佛呵涕泣自責七日
不眠遂失雙目佛令修樂見照明金剛三昧乃得
天眼故知先佛嚴戒委曲重宣苦口垂慈誠不可
忽

慚耻之服於諸莊嚴最爲第一慚如鐵鈎能制人非
法是故比丘常當慚耻無得暫替若離慚耻則失諸
功德有愧之人則有善法若無愧者與諸禽獸無相
異也

六道之中可以整心慮趣菩提唯人道爲能耳人
而不爲是謂無慚愧也慚愧若具足法身之衣服
豈可無慚無愧樂着睡眠不進道乎慚者內自悔
責愧者發露自新豈不美哉
汝等比丘若有人來節節支解

經云佛言我於五百世作忍辱仙人被歌利王割

截身體節節支解時若有我相人相衆生相壽者
相應生瞋恨爾時無我相無人相無衆生相無壽
者相不生瞋恨

當自攝心無令瞋恨亦當護口勿出惡言若縱恚心
則自妨道失功德利忍之爲德持戒苦行所不能及
能行忍者乃可名爲有力大人若其不能歡喜忍受
惡罵之毒如飲甘露者不名入道智慧人也

智慧明則彼已不二彼已不二則美惡齊止美惡
齊止則怨親等觀怨親等觀則苦樂無寄傳大士
云忍心如幻夢辱境若龜毛常能作此觀逢難轉

堅牢誠哉是言也

所以者何瞋恚之害則破諸善法壞好名聞今世後世人
不喜見當知瞋心甚於猛火常常防護勿令得入劫功德
賊無過瞋恚白衣受欲非行道人無法自制瞋猶可恕
出家行道無欲之人而懷瞋恚甚不可也

廣明瞋之患害如此皆因我見執着迷不知返故也
一念瞋心起百萬障門開爲煩惱之根是三毒之火俗諦
可恕出世佛子可不慎歟可不慎歟譬如清冷雲中霹靂
起火非所應也

持戒如冰霜潔白而無染瞋火如霹靂何得而清涼
所謂水火不同器寒暑不同時也

汝等比丘當自摩頭以捨飾好着壞色衣執持應器以乞自活

壞衣持鉢順佛律儀乞食資身是爲正命

自見如是若起憍慢當疾滅之增長憍慢尚非世俗
白衣所宜何況出家入道之人爲解脫故自降其身
而行乞耶

折伏憍慢入如來家謙下身心順解脫理

汝等比丘諂曲之心與道相違是故宜應質直其心

當知諂曲但為欺誑入道之入則無是處是故汝等宜應端心以質直為本

諂曲多欺詐直心是道場

汝等比丘當知多欲之人多求利故苦惱亦多少欲之人無求無欲則無此思

有求皆苦無欲何憂

直爾少欲尚應修習何況少欲能生諸功德少欲之人則無諂曲以求人意亦復不為諸根所牽行少欲者心則坦然無所憂畏觸事有餘常無不足有少欲者則有涅槃是名少欲

少欲一法功德如此直修少欲別無功德尚可修習况與解脫涅槃相應乎

汝等比丘若欲脫諸苦惱當觀知足知足之法即是富樂安隱之處

知足之人雖臥地上猶為安樂不知足者雖處天堂亦不稱意不知足者雖富而貧知足之人雖貧而富不知足者常為五欲所牽為知足者之所憐愍是名知足

知足則心絕希冀清樂有餘不知足者貪愛轉增苦輪難息

汝等比丘欲求寂靜無爲安樂當離憒鬧獨處閑居

心境靜寂孤然乃則

橫古對切
悶奴孝切

靜處之人帝釋諸天所共敬重

如善現尊者宴坐巖間釋天雨華之類事迹非一

是故當捨已衆他衆

自他徒衆皆捨

空閑獨處思滅苦本

安住涅槃

若樂衆者則受衆惱譬如大樹衆鳥集之則有枯折
之患世間縛着沒於衆苦

衆者事理有二義事則憤鬧也理者已謂五蘊爲
衆他謂一切煩惱爲衆迷執五蘊聚集煩惱沒於
生歿故當遠離身心是也永嘉云若見山忘道則
森羅眩目音聲聒耳雖山林獨處何由靜也若見
道忘山則城隍鬧市心境翛然萬法本閑而人自
閑回光返照觸處皆渠無一法可當情亦無一法
可當情者得無所離卽除諸幻耳

譬如老象溺泥不能自出是名遠離

樂衆心爲累遠離行當修
汝等比丘若勤精進則事無難者

勤行精進佛果可期

是故汝等當勤精進譬如小水常流則能穿石

若行者之心數數懈廢譬如鑽火未熱而息雖欲得
火火難可得是名精進

木中火性是火正因若不加功藉緣火終難得若
加功不已如水性柔弱亦有穿石之期比况勤懈
之得失如此宜勉勵焉

汝等比丘求善知識求善護助無如不念

無忘之念資正定故夫煩惱出於妄情觀察法理
以遣之初觀之時見理未明心不住理要須念力

然後得觀念以不忘爲用正心念法審其善惡善
者增而不滅惡者滅而不生

若有不念者諸煩惱賊則不能入

正念不忘煩惱不生

是故汝等常當攝念在心若失念者則失諸功德若
念力堅強雖入五欲賊中不爲所害

內若不動外不能亂

譬如着鏡入陣則無所畏是名不念

正念常存魔軍克殄

汝等比丘若攝心者心則在定心在定故能知世間

生滅法相

定水澄淳森羅影現

是故比丘常當精進修習諸定

隨機淺深大小諸定皆當修習

若得定者心則不散

散心漸止隨順定門

譬如憎水之家善治隄塘行者亦爾爲智慧水故善修禪定令不漏失是名爲定

若無定力乾慧不免苦輪定能資慧故古云菩薩清涼月常遊畢竟空衆生心水淨菩提影現中若

水濁器破則月影不現耳

汝等比丘若有智慧則無貪着常自省察不令有失

智爲前導不可暫離

是則於我法中能得解脫

無慧名縛有慧名解

若不爾者既非道人又非白衣無所名也

心與形乖二名俱失

實智慧者則是度老病歿海堅牢船也

般若實智能度苦海

亦是無明黑暗大明燈也

無明大夜智燈能照

一切病者之良藥也

三毒重病智慧能治

伐煩惱樹之利斧也

煩惱根株智刃能伐

是故汝等當以聞思修慧而自增益

從聞思修漸次增益入三摩地

若人有智慧之照雖是肉眼而是明見人也是爲智慧

肉眼廓照無明永滅智慧之力也故名明見之人

汝等比丘若種種戲論其心則亂雖復出家猶未得

脫

語默動靜乖於軌則能令心亂違解脫理

是故比丘當急捨離亂心戲論若汝欲得寂滅樂者
唯當善滅戲論之患是名不戲論

若滅戲論虛妄分別涅槃之樂可庶幾乎

汝等比丘於諸功德常當一心捨諸放逸

放蕩狂逸

如離怨賊大悲世尊所說利益皆已究竟

汝等但當勤而行之

大悲方便分別說三究竟涅槃唯一乘道

若於山間若空澤中若在樹下閑處靜室念所受法

隨力所受思惟修習

勿令忘失常當自勉精進修之

勉勵勤進防退失焉

無爲空夾後致有悔

生夾流浪後悔何益

我如良醫知病說藥服與不服非醫咎也

佛說法藥治煩惱病聞不信服非佛咎也

又如善導導人善道聞之不行非導過也

佛爲大導師引導衆生令至涅槃正道不信不行

是誰之過歟

汝等若於苦等四諦有所疑者可疾問之無得懷疑

不求決也

四諦法中有疑未決我當決之

爾時世尊如是三唱人無問者

衆默不問

所以者何

徵也

衆無疑故

釋不問之意

時阿菟樓默觀察衆心

菟奴候切

卽阿那律陀梵音小異宋云無滅以天眼觀察衆

意

而白佛言世尊月可令熱日可令冷佛說四諦不可
令異

水火之性可令無定佛語真實決定不虛

佛說苦諦實苦不可令樂

苦是世俗果諦當審實決定無樂

集真是因更無異因

集是世俗因集諸不善業故決定是招苦之因

苦若滅者卽是因滅

諸苦所因貪欲爲本若滅貪欲無所依止

因滅故果滅滅苦之道實是眞道更無餘道

滅諦出世眞果卽涅槃也道諦卽斷煩惱出世眞

因無別道也

世尊是諸比丘於四諦中決定無疑

於此衆中若所作未辦者見佛滅度當有悲感

未證無生忍不了法身常住爾

若有初入法者聞佛所說卽皆得度

親聞佛誨無不蒙益
譬如夜見電光即得見道

暫得心開未能究竟

若所作已辦已度苦海者但作是念世尊滅度一何疾哉

自雖已度慙未度故作念興嘆

阿菟樓駄雖說此語眾中皆悉了達四聖諦義世尊欲令此諸大眾皆得堅固以大悲心復為眾說

未徹未辦聞佛滅度或生退沒末後慙慙委曲慰喻

汝等比丘勿懷悲惱若我任世一劫會亦當滅會而不離終不可得

緣起之法固不可留

自利利人法皆具足
積萬行成萬德演教海利羣機兼濟之道悉具備

矣

若我久住更無所益

佛久住則眾生不起難遭想不種善根貪着五慾不求出苦故佛示滅耳

應可度者若天上人間皆悉已度

成道四十九載應度度畢無餘

其未度者皆亦已作得度因緣

清淨法眼戒定慧藏內則付囑摩訶迦葉諸大弟子外則付囑國王大臣令慧命不斷爲得度因緣耳

已上正宗分竟下流通

自今已後我諸弟子展轉行之則是如來法身常在而不滅也

世尊囑累行之不絕則法身常存焉

是故當知世皆無常會必有離勿懷憂惱世相如是

遷流不住曰世形質可狀曰相應會不生寧無滅

乎

當勤精進早求解脫以智慧明滅諸癡闇

勤精進而智慧明癡闇滅則脫諸苦

世實危脆無牢强者

脆音翠

有爲虛假今皆皆然

我今得滅如除惡病此是應捨罪惡之物假名爲身
沒在老病生火大海

佛身無爲示同有爲欲令衆生知身過患早悟法身也

何有智者得除滅之如殺怨賊而不歡喜

身爲苦本衆苦所依衆生妄執爲實不求出離大
聖知生歿皆幻示生歿而化物

汝等比丘常當一心勤求出道

涅槃正道

一切世間動不動法皆是敗壞不安之相

欲界六天爲動法色無色二界壽命劫數長久外
道計以爲常名不動法

汝等且止勿得復語時將欲過我欲滅度是我最後
之所教誨

應會時節寧容久留最後垂範付囑斯在化儀舒
卷情謂杳亾方便門中那無指任法華會上金口
親宣云爲度衆生故方便現涅槃廣如壽量品其
知此者則靈山一會儼然未散矣豈不蹉歟若謂
不然諒非吾道何也欲得不招無間業莫謗如來
正法輪

佛遺教經註

終

大明慈聖宣文明肅皇太后刊

寶笈傳燈世譜載大鑒下青原派曹洞宗第十三

世守遂禪師所註四十二章經遺教經並了童禪師補較我

慈聖宣文明肅皇太后刊板在金臺西直門裡迤南永祥寺適海鹽廣磐劉宰官諱祖錫號念崧係雲棲蓮大師高足秉教念佛行敦孝義歷官光祿於崇禎四年辛未八月廿六日舟次東昌借一味禪院震宇法師藏本四十二章經註手寫携歸迨崇禎九年丙子十月之八日借本邑沈廣寇居士藏本遺教經註仍以手寫與東昌所抄得成合璧慶快示余捧讀註語直指彰顯如佛誠勅其正文

對雲棲刻本字句多異同而義實勝因憶蓮大師跋云二經實末法救病之良藥一是聖教流入震旦之始也今以其言近僧不持誦師不講演要知不專近有遠者人自不察也一是如來入滅最後要語喻世人所謂遺囑也子孫昧祖宗創始之來源是忘本也子孫背父母之遺囑是不孝也爲僧者胡不思也并頌念崧壽逾六旬誠心手書且願重刻以廣其傳真善述蓮大師志意者也余亦願効一臂樂成之敢曰隨力哉因耶且紀諸善知識展轉勸發緣起以告見聞者幸毋忽時卽

崇禎丙子鵬八日弟子通燈敬述

武林沙彌海珍保母施氏如宗壽齡
東海念崧居士廣磐劉祖錫捐資全刻
佛說四十二章經佛遺教經二經註
助緣手書 劉大諱大諱大音師明師文師
安同較 金陵胡守正刊刻
崇禎十一年二月徑山寂照菴識

佛說四十二章經科文

將釋此經疏科文分四

初釋經題目

二譯經人時

三註述名號

四釋經本文二

初經家標序三

初序始成正覺

二序傳法度人

三序懷疑請教

二金口親宣分四十二

初辭親成果

二斷欲絕朕

三割愛去貪

四善惡並明

五轉重令輕

六忍惡無瞋

七惡還本身

八塵唾自汗

九世智會道

佛

十喜施獲福

佛

十一施飯轉勝

佛

十二至人逢難

佛

十三問道宿命

沙

十四請問善大

沙

十五請問力明

沙

十六捨愛得道

佛

十七明來暗射

佛

十八念等本空

佛

十九假真竝觀

佛

二十推我本空

佛

二十一名聲喪本

佛

二十二財色招苦

佛

二十三妻子甚獄

佛

二十四色欲障道

佛

二十五欲火燒身

佛

二十六天魔燒佛

天

二十七三觀莫任

佛

二十八意馬莫縱

佛

二十九正觀敵色

佛

三十欲火遠離

佛

三十一心寂欲除

佛

三十二我空怖滅

佛

三十三智明破魔

佛

三十四處中得道

沙

三十五垢淨明存

佛

三十六展轉獲勝

佛

三十七念戒近道

佛

三十八生即有滅

佛

三十九教海無差

佛

四十牛渟得道

佛

四十一直心出欲

佛

四十二達世知幻

佛

佛說四十二章經註

欽定皇壇傳講紫衣沙門特賜金佛寶冠永祥禪師占靈了童補註

此一題之中有人有法有能有所人法雙題能所
合目故曰佛說四十二章經此是總標向下別釋
佛說者乃我佛金口之宣揚縱無礙之辯才談合
機之妙法故曰佛說又佛者梵語佛陀華言覺者
十號之一究竟覺了諸法實相名圓滿覺又說者
悅也得機而說稱悅佛懷所謂震圓音而警衆揚
妙義以符機故爲說也四十二章者章篇也言此
經四十二篇使人人捨惡趣善斷障除惑超凡入

聖到菩提岸故爲四十二章也經者具串攝常法也謂串穿義理攝化機宜三世不遷十界同軌故爲經也是故佛卽人也四十二章卽法也經之一字是能詮之文上六字是所詮之義是以人法雙題能所合目故曰佛說四十二章經

後漢迦葉摩騰竺法蘭同譯

後漢者對前曰後亦名東漢卽漢明帝時永平七年帝夢金人身長丈六項佩圓光如日飛空而至旋繞殿庭指其帝座曰立教旦問羣臣時傳毅奏曰臣按周書異記云周昭王甲寅二十四年四月

八日子時分有五色祥光貫太微宮時王問羣臣所以有太史籀由對曰西方有大聖人生焉卻後千年教法流於此土陛下所夢者將必是乎明卽遣秦景蔡愔王尊等一十八人同往西域求覓至月氏國遇摩騰竺法蘭二梵僧所持釋迦佛畫像一軸四十二章經十住斷結經等白馬馱之還於洛陽漢地卽永平十年十二月三十日奏引入闕獻金佛像帝大喜館於鴻臚寺帝勅於城西雍門外立寺亦名鴻臚寺因有五嶽道士褚善信費屬才等上本奏云陛下不信華夏之言反信夷狄之

語臣等與伊將經焚驗真假臣等若勝將胡人貶
逐戎狄伊若得勝臣當斬首帝准其奏遂立焚經
臺并辯驗神通褚等尋常神通變化或騎草龍飛
昇或虛空往來等及至臺下焚經之時道經悉爲
灰燼有尹喜於火中捨出道德二經其餘盡焚褚
等亦不能飛昇往來神通皆無佛像佛經火遂變
爲蓮華涌在空中不損一毫道士旣敗或自縊有
之或落髮者有之或奔井有之褚等頭目盡皆斬
曾云云帝遂勅旨改鴻臚爲白馬寺安制佛像摩
騰竺法蘭居之翻譯諸經等云云

鄧郊鳳山蘭若嗣祖沙門守遂註

鄧郊者卽湖廣鄧陽府是也鳳山就形得名此山
似鳳又卽山名也蘭若者卽梵語此云寂靜處嗣
祖者言其老師紹續佛祖之位也沙門者梵語此
云勤息謂勤修戒定慧息滅貪瞋癡故號爲沙門
上守下遂是老師之名也註者言邊有主曰註又
分文析義曰註

世尊成道已作是思惟離欲寂靜是最爲勝任大禪
定降諸魔道

於鹿野苑中轉四諦法輪度憍陳如等五人而證道

果

淨界法身本無出沒大悲願力示現受生八相道成佛寶也思惟方便離欲爲戒生定發慧降魔顯正轉法度人法寶也四諦謂苦集滅道真俗兩重因果隨根修證大小有異憍陳如五人佛初出家雪山修道淨飯王命家族三人一阿濕婆二跋提三摩訶男舅氏二人一憍陳如二十力迦葉五人隨衛後各捨往鹿苑共修異道世尊始成正覺先爲三轉法輪五人皆獲果證僧寶之始也

復有比丘所說諸疑求佛進止世尊教勅一一開悟

合掌敬諾而順尊勅

比丘宋言或名持淨戒或名破煩惱或名淨乞食或名能怖魔天竺一名該此四義故譯者存義名焉懷疑請教應病授方信悟獲安敬順流布管世尊入滅經一千載後漢永平年中明帝因夢金像乃知佛教將被東夏遣蔡愔使西國遇摩騰竺法蘭二梵僧白馬馱貝葉梵文偈止洛都譯梵成漢首出此經被機啓訓最爲精要文約義備序分流通見於上下四十二章明捨惡趣善除惑斷障超凡入聖之深旨也

佛言辭親出家識心達本解無爲法名曰沙門常行二百五十戒進止清淨爲四真道行成阿羅漢阿羅漢者能飛行變化曠劫壽命住動天地次爲阿那含阿那含者壽終靈神上十九天

四禪共十八天已上又有一天十九名五不還天證阿羅漢次爲斯陀含斯陀含者一上一還卽得阿羅漢次爲須陀洹須陀洹者七次七生便證阿羅漢愛欲斷者如四肢斷不復用之

沙門宋言義訓勤行勤行趣涅槃也三界輪轉愛欲爲因割愛辭親身出家也識心達本心出家也

出家有三一辭親出世俗家二悟道出五蘊家三證果出三界家大比丘二百五十戒以殺盜淫妄四法爲根本其餘枝末並依此四法而生若犯根本枝末難生則無由證果若一一堅持不犯隨見修所斷煩惱階漸不同故所證隨異初果須陀洹宋云入流二果斯陀含宋云一來謂一來天上一來人間便證涅槃三果阿那含宋云不來四果阿羅漢宋云不生煩惱斷盡已證生空如四肢斷卽無爲果也

佛言出家沙門者斷欲去愛識自心源達佛深理悟

無爲法

達本情忘知心體合

內無所得外無所求心不繫道亦不結業

外絕攀緣內非守寂

無念無作非修非證

一相一行無證無得

不歷諸位而自崇最名之爲道

靈機絕朕階級郛收

佛言剃除鬚髮而爲沙門受道法者去世資財乞求
取足

鬚髮除而息愛資財去而捨貪

日中一食樹下一宿慎勿再矣

頭陀上行無戀著也

使人愚蔽者愛與欲也

暗蔽愚癡愛欲所致

佛言衆生以十事爲善亦以十事爲惡何等爲十身
三口四意三身二者殺盜淫口四者兩舌惡口妄言
綺語意三者嫉恚癡如是十事不順聖道名十惡行
是惡若止名十善行耳

善惡性空猶如反掌止惡行善是順聖道自性本

無殺持不殺戒乃至自性本無貪瞋癡持不貪等
戒八萬四千煩惱變爲波羅蜜門隨機差降分上
中下品具載大經

佛言人有衆過而不自悔頓息其心罪來赴身如水
歸海漸成深廣

罪始濫觴禍終沒頂惡心不息業海轉深

若人有過自解知非改惡行善罪自消滅

改過自新罪隨心滅

如病得汗漸有痊損耳

病得汗則身安人改過則心淨

佛言惡人聞善故來撓亂者汝自禁息當無瞋責彼
來惡者而自惡之

彼已齊致被撓何瞋怨親等觀魔自退劬

佛言有人聞吾守道行大仁慈故致罵佛佛默不對
罵止問曰子以禮從人其人不納禮歸子乎對曰歸
矣佛言今子罵我我今不納子自持禍歸子身矣

慈善根力假引世喻罵佛自禍其理昭然

猶響應聲影之隨形終無免離慎勿爲惡

身口由心影響難捨

佛言惡人害賢者猶仰天而唾唾不至天還從已墮

逆風颺塵塵不至彼還空已身賢不可毀禍必滅已
害賢招報如唾天颺塵反自汗空管歌利害佛佛
不瞋恨而成正覺歌利罪畢遇佛得記

佛言博聞愛道道必難會

世智辯聰博聞強記增長我慢去道遠矣

守志奉道其道甚大

堅志體道量包法界

佛言覩人施道助之歡喜得福甚大

施爲萬行之首助喜尚爾况施福乎

沙門問曰此福盡乎佛言譬如一炬之火數千百人

各以炬來分取熟食除冥此炬如故福亦如之

火逢炬而火事無窮福隨心而福報無盡

佛言飯惡人百不如飯一善人飯善人千不如飯一
持五戒者飯五戒者萬不如飯一須陀洹飯百萬須
陀洹不如飯一斯陀含飯千萬斯陀含不如飯一阿
那含飯一億阿那含不如飯一阿羅漢飯十億阿羅
漢不如飯一辟支佛飯百億辟支佛不如飯一三世
諸佛飯千億三世諸佛不如飯一無念無住無修無
證之者凡人事天地鬼神不如孝其二親二親最神
也

此十等校量蓋德有大小障有厚薄故飯之者福報不同然善人中有二種或能事天地鬼神或能孝養父母比量福報不及能事親者

佛言人有二十難貧窮布施難豪貴學道難棄命必歿難得親佛經難生值佛世難忍色忍欲難見好不求難被辱不瞋難有勢不臨難觸事無心難廣學博究難除滅我慢難不輕未學難心行平等難不說是非難會善知識難見性學道難隨化度人難觀境不動難善解方便難

難事衆多畧開如上順已情爲易逆已意爲難若

順理而逆情縱棄命而可作若順情而背理雖見好而不求有勢不臨心行平等好廣學而謙下見未學而不輕貧窮而隨力行檀豪貴而回光學道知色欲之過患悟是非之顛邪更能觸境無心善解方便常會善友隨化度人處處常值佛興念念轉大千經卷運用成菩薩大行施爲入無量妙門正眼常明諸塵莫惑豈封滯於難易情執者哉

沙門問佛以何因緣得知宿命會其至道佛言淨心守志可會至道譬如磨鏡垢去明存斷欲無求當得宿命

心淨無欲真智顯露曠劫之事一念皆知

沙門問佛何者爲善何者最大佛言行道守真者善
志與道合者大

行道守真萬行無取志與道合修證雙忘

沙門問佛何者多力何者最明佛言忍辱多力不懷
惡故兼加安健忍者無惡必爲人尊

能行忍者乃可名爲有力大人持戒苦行所不能
及忍有四種謂安受苦忍耐怨害忍諦察法忍無
生法忍今言忍辱耐怨害也理亦通四思之可見
心垢滅盡淨無瑕穢是爲最明未有天地逮於今日

十方所有無有不見無有不知無有不聞得一切智
可謂明矣

心垢淨盡獨耀無私具一切智對揚有準

佛言人懷愛欲不見道者譬如澄水致手攪之衆人
共臨無有覩其影者人以愛欲交錯心中濁興故不
見道汝等沙門當捨愛欲愛欲垢盡道可見矣

心水濁而影像昏欲垢盡而道可見

佛言夫見道者譬如持炬入冥室中其冥卽滅而明
獨存學道見諦無明卽滅而明常存矣

妄覺無明旣滅本覺性明常存

佛言吾法念無念念行無行行言無言言修無修修會者近爾迷者遠乎

念卽無念行卽無行言卽無言修卽無修歸根得旨唯證乃知

言語道斷非物所拘

言思路絕分別意窮

差之毫釐失之須臾

第一義諦擬議則墮

佛言觀天地念非常觀世界念非常

有爲之法畢歸磨滅

觀靈覺卽菩提

靈知寂照本來是佛

如是知識得道疾矣

悟無常之法識靈覺之性一念相應前後際斷照體獨立物我皆如

佛言當念身中四大各自有名都無我者

堅者名地潤者名水煖者名火動者名風推窮四大其性各異誰爲我者

我旣都無其如幻耳

知身無我起滅如幻以如幻智入如幻法門

佛言人隨情欲求於聲名聲名顯著身已故矣貪世常名而不學道枉功勞形

世名浮利唐勞其功人不學道虛生浪歎

譬如燒香雖人聞香香之燼矣危身之火而在其後貪求聲名非徒無益迷真逐妄抑致身後之禍良可悲夫

佛言財色於人人之不捨譬如刀刃有蜜不足一食之美小兒舐之則有割舌之患

味着財色如舐利刃之蜜貪少滋味自招長劫之痛苦也

佛言人繫於妻子舍宅甚於牢獄牢獄有散釋之期妻子無遠離之念情愛於色豈憚驅馳雖有虎口之患心存甘伏

堂堂丈夫情色驅役殞身沒命迷不爲苦

投泥自溺故曰凡夫透得此門出塵羅漢

知非離欲卽凡夫而非凡夫居塵不染乃出塵阿羅漢也

佛言愛欲莫甚於色色之爲欲其大無外

愛欲過患義類多種障道長惡無甚女色

賴有一矣若使二同普天之人無能爲道者矣

滋生灰障涅槃唯色欲一端楞嚴亦云淫心不除塵不可出

佛言愛欲之人猶如執炬逆風而行必有燒手之患逆境界之風執無明之炬豈免自燒者也

天神獻玉女於佛欲壞佛意

佛初成道天魔波旬以三女嬈亂耳

佛言革囊衆穢爾來何爲去吾不用

人見女色妄起淨想故生染着不知元是不淨薄皮包裹

天神愈敬因問道意佛爲解說卽得須陀洹果

魔不得便回邪歸正問道開悟證小乘初果

佛言夫爲道者猶木在水尋流而行不觸兩岸不爲人取不爲鬼神所遮不爲洄流所任亦不腐敗吾保此木決定入海

不觸生灰涅槃兩岸不爲人天有漏善業所取不爲邪見鬼神所遮不爲三界洄流所任亦不腐敗於二乘滅定決入薩婆若海

學道之人不爲情欲所惑不爲衆邪所嬈精進無爲吾保此人必得道矣

情欲不能惑衆邪不能嬈正進無爲道遠乎哉

佛言慎勿信汝意汝意不可信慎勿與色會色會卽
禍生

意馬難調戒爲轡勒色欲染習敗道喪身

得阿羅漢已乃可信汝意

意根滅盡證阿羅漢也晉西國有道人山中修行
得五神通一日因雨泥踐倒遂以咒力令十二年
不雨國王知是道人咒力乃生憂憾下詔云若有
人降得此道人者賞金千斤有一淫女來白王言
我常能降王聽往彼禮拜道人摩觸身體因起染
心便失神通雨澤滂流女人騎道人頸來見國王

王乃嘉賞故知敗道喪志禍由女色可不慎與可
不慎與

佛言慎勿視女色亦莫共言語

習近生情迷失正念

若與語者正心思念我爲沙門處於濁世當如蓮華
不爲泥汙想其老者如母長者如姊少者如妹稚者
如子生度脫心息滅惡念

正念觀察心淨意解生居濁世如蓮華出水善巧
方便假想對治觀諸衆生無始輪迴皆我親屬悉
願度脫則惡念妄想自然息滅也

佛言夫爲道者如被乾草火來須避道人見欲必當遠之

情染如乾茅欲火當遠離

佛言有人患淫不止欲自除陰佛謂之曰若斷其陰不如斷心

顛倒由心徒傷身體

心如功曹功曹若止從者都息

兵隨印轉將逐符行

邪心不止斷陰何益佛爲說偈欲生於汝意意以思想生二心各寂靜非色亦非行

彼已心寂妄想不生五蘊本空欲情何起

佛言此偈是迦葉佛說

引先佛偈以爲明證

佛言人從愛欲生憂從憂生怖若離於愛何憂何怖衆生妄認四大以爲我身順情生愛違情生憂乃有五種怖畏所謂不活怖惡名怖大衆威德怖死怖墮惡道怖若能悟我本空則分別頓息誰爲愛者復何憂怖哉

佛言夫爲道者譬如一人與萬人戰挂鎧出門意或怯弱或半路而退或格鬪而死或得勝而還沙門學

道應當堅持其心精進勇銳不畏前境破滅衆魔而
得道果

道人與衆魔戰當挂淨戒鏡持禪定心秉智慧劍
無一法可當情則破魔得勝亦如法華云見賢聖
軍與五陰魔煩惱魔死魔共戰有大功勳滅三毒
出三界破魔網爾時如來亦大歡喜義同此也

沙門夜誦迦葉佛遺教經其聲悲緊思悔欲退佛問
之曰汝管在家曾爲何業對曰愛彈琴佛言絃緩如
何對曰不鳴矣絃急如何對曰聲絕矣急緩得中如
何對曰諸音普矣佛言沙門學道亦然心若調適道

可得矣於道若暴暴卽身疲其身若疲意卽生惱意
若生惱行卽退矣其行旣退罪必加矣但清淨安樂
道不失矣

學道之人善用其心不急不緩內不滯空外不取
相上無攀仰下絕已躬卽清淨安樂行可進矣道
可得矣

佛言如人鍛鐵去滓成器器卽精好學道之人去心
垢染行卽清淨矣

逐情造業是謂垢染順理進修乃名清淨

佛言人離惡道得爲人難旣得爲人去女卽男難旣

得爲男六根完具難六根既具生中國難既生中國
值佛世難既值佛世遇道者難既得遇道與信心難
既與信心發菩提心難既發菩提心無修無證難
前列二十難未說發菩提心今此自離惡道至無
修無證畧盡修行始末雖宿植善根歷修萬行發
廣大心甚爲希有然恐尚存希冀取捨未忘毫釐
繫念還成有住之功譬爾情生墮在修證之位故
末云無修無證則不落功勳方謂難中之難矣
佛言佛子離吾數千里憶念吾戒必得道果在吾左
右雖常見吾不順吾戒終不得道

近佛違戒不免輪迴憶戒遠佛得道證果

佛問沙門人命在幾間對曰數日間佛言子未知道
復問一沙門人命在幾間對曰飯食間佛言子未知道
復問一沙門人命在幾間對曰呼吸間佛言善哉
子知道矣

以依業引第八識不斷功能曰命凡夫一念有九
十刹那一刹那有九百生滅念念遷謝不知不覺
焉能悟解無常苦空之道

佛言學佛道者佛所言說皆應信順譬如食蜜中邊
皆甜吾經亦爾

教海一味隨機萬差信順修行皆離苦得樂喻似
食蜜中邊皆甜亦如飲海巨細衆生皆得飽滿
佛言沙門行道無如磨牛身雖行道心道不行心道
若行何用行道

動止四儀是生滅法心本不生寂而常照體斯理
者乃真行道

佛言夫爲道者如牛負重行深泥中疲極不敢左右
顧視出離淤泥乃可蘇息沙門當觀情欲甚於淤泥
直心念道可免苦矣
五欲深泥沒溺可畏非直心念道何由出離乎

佛言吾視王侯之位如過隙塵

擾擾不停似有非實

視金玉之寶如瓦礫

積聚山高無益於道

視純素之服如敝帛

假以蔽形不取飾好

視大千界如一訶子

大千之廣濶衆生之依報有漏善法共業而成觀
之如訶子本爲小耳楞嚴云空生大覺中如海一
漚發有漏微塵國皆依空所生漚滅空本無况復

諸三有

視阿耨池水如塗足油

阿耨宋言無熱惱以龍得名池深廣也以耨池之深廣比智海如涓滴耳

視方便門如化寶聚

化現法財濟諸貧乏

視無上乘如夢金帛

開導未悟令生信樂

視佛道如眼前華

隨機赴感本自不生

視禪定如須彌柱

識浪境風不能漂動

視涅槃如晝夕寤

圓寂照永離諸夢想

視倒正如六龍舞

六龍升降本非正倒隨見妄執生正倒想道了見

妄誰爲正倒

視平等如一真地

實際理地不受一塵

視興化如四持木

造化之法古今遷變生住異滅春夏秋冬以因衆
生業緣遂有榮枯衰盛之相若了緣起不思議解
脫法門則知起唯法起滅唯法滅須信道劫火洞
然毫末盡青山依舊白雲中

說四十二章經註

終

大明慈聖宣文明肅皇太后刊

板在金臺西直門裏迤南永祥寺



六四十三

三四十四
楯不足